

sian elastan ~on; bel~a. Kp BRUSTO, TORSO, BUSTO. ~vesto. Vesto malsupreniranta nur ĝis la ~o; Brustvesto (Kp KAMIZOLO, VEŝTO, JAKO).

Talismano. Objekto, kiun oni kredas kapabla magie alporti feliĉon, ŝirmi kontraŭ malfeliĉo aŭ produkti mirindajn efikojn; amuleto. Kp FETIĈO, SUPERSTIĈO.

Talko. Blanka brila pulvorea mineralo, grasa ĉe palpado, uzata en medicino por ŝmirado de la haŭto.

Talmudo. Kolekto da hebreaĵoj, leĝoj, kutimoj, tradicioj k opinioj kompilita de la rabenoj dum la dua k tria jarcentoj.

* **Talpo.** Subtere vivanta, insekto-manĝanta mambesteto kun velureca felo (*talpa*): blinda kiel ~o.

tamarindo Z 𐄂. Arbo el fam. de legum-enacoj, kreskanta en varmegaj landoj (*tamarindus*).

tamariko. Arbeto kun malgrandaj folietoj k floretoj, kreskanta en la mediteraneaj regionoj (*tamarix*).

* **Tamburo.** Muzika instrumento konsistanta el malplena cilindro, kies ambaŭ bazaj flankoj estas fermitaj per du maldikaj streĉitaj lamenoj el ledo, kiujn oni frapas per bastonoj. Vd TONDRI. ~i. 1 (ntr) Aŭdigi sonon similan al tiu de ~o: ~i per la fingroj sur la tablo; la bruego de la maŝinoj ~as sur la orel~o (*timp-ano*); en ŝia koro ~as la senpacienco; ~pafado. 2 (tr) Anonci ~ante: ~i alarmon.

Tamburino. 1 Speco de malgranda tamburo. 2 Malgranda tamburo garnita per tintiloj k havanta nur unu ledan lamenon, kiun oni frapas per la mano.

* **Tamen.** Konjunkcio esprimanta ian kontraŭecon, kontraŭstaron, spiton; = malgraŭ tio: *li estas tre kolerema, ~ li ne portas longe la koleron Z; kvankam li estas riĉa, ~ li ne estas feliĉa; ni estas diversgentanoj k ~ ni sentas nin kiel samgentanoj Z; eble vi atendas de mi ion oficialan, tian parolon mi ~ ne povas doni al vi Z; vi tion scias k ~ vi penas senkreditigi nin en la okuloj de la mondo Z; la sorto donis al mi rolon, kvankam tre flalan, ~ samtempe ankaŭ tre ŝarĝan Z; ni povus citi ankoraŭ multe da aliaj ekzemploj, ~ ni ne parolos pli pri tio ĉi, sed ni diros sole*

tion, ke Z; mi venos, se ~ mia febro foriĝos. RIM. 1: **Tamen** servas ofte por pli akcentigi **sed**: *mi ne scias la hispanan lingvon, sed per helpo de vortaro mi ~ komprenis vian leteron Z.* RIM. 2: **Sed** montras kontraŭecon aŭ limigan kondiĉon pli fortan ol **tamen**. **Kontraŭ** montras kontraŭecon en loko aŭ en situacio de personoj, aferoj aŭ ideoj. **Dum** ankaŭ povas montri kontraŭecon, sed nur ĉe samtempeco.

Tamtamo. Ĥina muzikinstrumento konsistanta el granda metala disko vertikale pendanta, kiun oni frapas. ~i (ntr). 1 Sonigi ~on. 2 (tr) Brue reklami (Kp DISTRUMPETI).

* **Tani** (tr). Transformi per taŭgaj procedoj la bestan felon en ledon: (f) ~i la haŭton al iu Z (severe riproĉi iun. Kp KAPO, PREDIKO, LAVO, SAPUMI). ~ilo. Fluaĵo enhavanta ŝelon de kverko aŭ de alia, tiucele taŭga arbo, en kiu oni banas tanotajn felojn.

Tandemo. 1 Malpeza kaleŝo kun du ĉevaloj jungitaj unu malantaŭ la alia. 2 Biciklo por du personoj sidantaj unu malantaŭ la alia.

tangi (ntr). 1 𐄂 (pri la ŝipo) Oscile movigi laŭlonge t. e. de antaŭe k de malantaŭe. 2 𐄂 Danci ~on. Kp RULI. ~o. 1 𐄂 Ago ~i. 2 𐄂 Populara danco, origina el Hispanujo k sudamerikaj landoj.

Tangento. Rekta linio, kiu tuŝas iun kurbon per unu sola komuna punkto tiele, ke ĝi estas perpendikulara al radio trafanta tiun saman punkton. ~i (tr). Unupunkte kontakti. ~a. ~anta.

Tanino. Organika substanco troviganta en multaj veg-oj k vinoj, ĉefa aganto ĉe tanado.

tanko 𐄂. Speco de kirasita aŭtomobilo sin movanta per turnigantaj larĝaj ĉenoj anstataŭ radoj: *la unuaj ~oj aperis dum la mondmilito en la jaro 1916.*

tantalo Z 𐄂 Ta. Ĥemia elemento, malofta metalo, kies atomeco estas 181,5.

tantiemo Z 𐄂. Procenta partopreno en la profito de entrepreno flanke de la direktoroj, membroj de kontrolo konsilantaro ktp: *la troaj ~oj de direktoroj k kontrolo konsilantaro en la akciaj societoj elvokas ofte publikajn kritikojn.*